



Broj: 03-05-5- 594/15

Datum: 16.03.2015.godine

**OPĆINSKO VIJEĆE**

## **INFORMACIJA**

### **o radu i funkcionisanju organa mjesnih zajednica u 2014 godini**

Informacija o radu i funkcionisanju organa mjesnih zajednica u 2014.godini, rađena je na osnovu izvještaja, redovnih audita, iznenadnim obilascima mjesnih zajednica, svakodnevnih kontaktima sa predstavnicima, pojedinačno održanim sastancima općinske administracije sa rukovodstvima mjesnih zajednica kao i povremenom prisustvu sastancima od strane referenta za rad sa mjesnim zajednicama.

#### **1. Organizacija mjesne samouprave - pravni okvir u radu mjesnih zajednica**

Rad mjesne samouprave u FBiH uređen je Zakonom o principima lokalne samouprave u Federaciji Bosne i Hercegovine (Službene novine FBiH 49/06), Statutom Općine Tešanj (Službeni glasnik Općine Tešanj broj 11/07), i drugim pojedinačnim aktima Općine Tešanj.

Mjesna samouprava u jedinici lokalne samouprave ostvaruje se u mjesnoj zajednici kao obaveznom obliku mjesne samouprave koju osniva vijeće, te u gradskim četvrtima i drugim oblicima mjesne samouprave u skladu sa statutom jedinice lokalne samouprave.

Statutom Općine Tešanj (Službeni glasnik Općine Tešanj broj 11/07), uređen je način formiranja mjesnih zajednica, organi mjesnih zajednica, konstituisanje organa mjesnih zajednica, i druga pitanja značajna za rad i funkcioniranje mjesne zajednice.

U provedenoj redovnoj proceduri od strane mjesnih zajednica usvojeni su statuti u svim mjesnim zajednicama, koji su usklađeni sa Statutom Općine Tešanj. Kroz provođenje propisanih procedura usvojene su dopune Poslovnika o radu Savjeta kojima su definisani opis poslova i nadležnosti, odgovornosti i ograničenja u radu tehničkog sekretara u MZ, kao i način vršenja primopredaje poslova i protokol koji je obaveza popuniti.

#### **2. Finansiranje mjesnih zajednica**

Način finansiranja rada organa mjesnih zajednica u 2014-oj godini za općinu Tešanj dodatno je regulisan Odlukom o načinu i kriterijima raspodjele sredstava za finansiranje rada organa mjesnih zajednica ("Službeni glasnik Općine Tešanj" 11/07), izmjenama i dopunama Odluke o načinu i kriterijima raspodjele sredstava za finansiranje rada organa mjesnih zajednica ("Službeni glasnik Općine Tešanj" br. 3/11 i 9/11) izmjenama i dopunama odluke i Odlukom Općinskog vijeća o preusmjeravanju dijela sredstava kapitalnih ulaganja. Odlukama je definisano da je osnovni kriterij u raspodjeli sredstava broj građana koji žive na prostoru mjesne zajednice, tačnije broj punoljetnih

građana koji živi na prostoru mjesne zajednice u decembru mjesecu prethodne budžetske godine dobijen iz CIPS-ove baze podataka. Na osnovu navedenog broja građana određeni su pripadajući koeficijenti koji se množe sa osnovicom čiji je krajnji rezultat mjesečni iznos pripadajućih sredstava za rad organa za svaku MZ. Takođe i kod Odluke o raspoređivanju sredstava za kapitalna ulaganja osnovni kriterij čini broj građana koji živi na prostoru mjesne zajednice prema evidenciji iz CIPS-ove baze podataka.

Ove dvije odluke nastoje dodatno urediti način finansiranja mjesnih zajednica, nametnuti sistem planskog i programskog pristupa u radu i omogućiti mjesnim zajednicama veću podršku u pripremi i realizaciji određenih projekata.

Važno je istaknuti da je većina mjesnih zajednica oslonjena na finansiranje iz budžeta općine i vlastito učešće građana, a da je mali broj mjesnih zajednica koje imaju mogućnost drugih izvora finansiranja. Ovom prilikom ističemo da jedan broj mjesnih zajednica ima sigurne izvore finansiranja kroz izdavanje prostora u zakup, i druge izvore finansiranja, te su u prednosti nad mjesnim zajednicama koje nemaju dodatne prihode.

***Prihodi, rashodi kao i stanje računa na 31.12.2014.godine je dati su u tabelarnom prikazu na kraju informacije.***

### **3. Nadzor nad radom mjesnih zajednica**

---

Nadzor nad zakonitošću rada organa mjesne zajednice obavlja Općinski načelnik neposredno i preko općinskih službi za upravu. Općinski načelnik je svojim Rješenjem o imenovanju odgovornih lica za zakonitost rada mjesni zajednica broj: 02-49-2-3996/10 od 01.11.2010. godine prenio ovlasti na pomoćnika Općinskog načelnika u Službi za društvene djelatnosti i investicije za nadzore iz oblasti Zakonitog djelovanja organa MZ prilikom donošenja akata iz vlastite nadležnosti (Odluke, Zaključci, Ugovori, Sporazumi i sl.), i pomoćnika Općinskog načelnika u Službi za finansije, privredu komunalne i inspeksijske poslove za nadzor iz oblasti Zakonitog djelovanja organa MZ iz oblasti materijalno finansijskog poslovanja organa MZ. Općina je kroz provođenje procedura, knjigovodstvenom servis "AIDA" dodijelila vođenje knjigovodstvenih poslova. Uvođenjem jedinstvenog knjigovodstvenog servisa povećana je finansijska disciplina u radu organa MZ.

Rad mjesnih zajednica je regulisan Zakonima i propisima i to:

- Zakonom o principima lokalne samouprave u Federaciji Bosne i Hercegovine (Službene novine FBiH 49/06),
- Statutom Općine Tešanj (Službeni glasnik Općine Tešanj broj 11/07),
- Odlukom i izmjenama Odluka o načinu i kriterijima raspodjele sredstava za finansiranje rada organa mjesnih zajednica ("Službeni glasnik"6/07, "Službeni glasnik"3/11 ),
- Sve mjesne zajednice imaju usvojene Statute koji su usklađeni sa Statutom Općine Tešanj,
- Sve mjesne zajednice imaju usvojene Poslovnike o radu Savjeta i Skupštine.

#### **3.1.Nadzor nad redovnim radom**

---

U cilju efektivnije kontrole i efikasnijeg vršenja nadzora nad radom mjesnih zajednica, mjesne zajednice su obavezne pored mjesečnog dostavljanja zapisnika sa sastanaka da obavezno dostavljaju i sve odluke, ugovore, zaključke i druga pravna akta do desetog u mjesecu za protekli mjesec, kako bi općinska nadležna Služba za rad sa mjesnim zajednicama provjerila zakonitost rada. To naravno ne umanjuje ličnu i kolektivnu odgovornost organa i nosioca funkcija u mjesnim zajednicama, ali

omogućuje pravovremenu reakciju. Tokom godine uočene su određene mogućnosti za poboljšanje rada i prema mogućnosti reagovano:

1. Tokom godine održano je 191 sjednica savjeta MZ ili u prosjeku 7,6 sjednica Savjeta po MZ i 42 sjednicu skupštine ili u prosjeku 1,68 sjednice po mjesnoj zajednici. Ukupno 517 članova organa MZ-aktivista bili su inicijatori i podrška brojnih aktivnosti. Umanjenje broja sastanaka u odnosu na prethodnu godinu je iz razloga već definisanih međusobnih odnosa između članova organa mjesnih zajednica kao i unaprijed dogovoreni aktivnosti i način njihove realizacije. Pored aktivista koji su članovi organa MZ i sekretara MZ, u rad istih je uključen i veliki broj volontera koji su angažovani u građevinskim odborima, radnim grupama-timovima, udruženjima i slično a koji svojim angažmanom doprinose stvaranju boljih uslova za život i rad na kompletnom području općine Tešanj. Pojedinačan pregled ovih sastanaka po MZ prikazan je u tabeli na kraju ove informacije.
2. Tokom 2014 godine na poziv organa MZ, referent za rad sa mjesnim zajednicama je prisustvovao na 36 sjednice Savjeta ili Skupštine u 23 mjesne zajednice, prisustvo referenta za rad sa MZ je uveliko poboljšalo komunikaciju i pomoglo u rješavanju sitnijih zahtjeva i otklanjanju nedostataka. Napominjemo da prisustvo referenta ne zavisi samo od njega lično nego i od poziva pojedinih mjesnih zajednica, tako da za izvještajnu godinu nije realizovano prisustvo u MZ Karadaglije i MZ Mrkotić (za razliku od prethodne godine kada su to bile MZ Novo Selo i Ljetinić).
3. Tokom godine, a na zahtjev predstavnika MZ, održano je 22 sastanaka Općinskog načelnika i saradnika sa predstavnicima 15 MZ na kojim se razgovaralo o problemima sa kojim se susreću predstavnici MZ i eventualom načinu njihovog rješavanja.
4. Analizirano je ukupnu 1164 donesenih Odluka, Zaključka i sl. od strane mjesnih zajednica, i to najveći broj iz mjesne zajednice Šije sa 152 Tešanjka sa 149 i Jablanica 113 donesenih odluka,
5. Provjereno je 124 potpisana Ugovora ili Sporazuma, koje su MZ potpisivale sa trećim licima za obavljanje poslova za potrebe mjesnih zajednica,
6. Pružena je pomoć mjesnim zajednicama za pripremu i potpisivanje Ugovora sa fizičkim licima i pravnim licima za iznajmljivanje prostora ili obavljanje poslova. U saradnji sa Općinskim pravobraniocem i pored dostavljenog unificiranog urneka Ugovora vršene su provjere ugovora prije samog potpisivanja istih.
7. Tokom mjeseca marta 2014, tačnije u vremenu od 03.do 11. marta 2014. godine sa predstavnicima svih 25 mjesnih zajednica održani sastanci sa ciljem informisanja organa MZ o usvojenom Zakonu o stvarnom stanju, urađen pregled trenutne imovine koju koriste MZ, te sagledani pravci daljnjeg upravljanja istom. Sastanke je dogovarala Služba društvenih djelatnosti i investicija a u realizaciji istih aktivno je uključena Služba za urbanizam, katastar i imovinsko pravne poslove te predstavnici Općinskog pravobranilaštva.
8. Upućen dopis mjesnim zajednicama u kojem je ponovo precizirana obaveza redovnog slanja informacija, kao i preporuka za primjenu odredbi Poslovnika u cilju efikasnijeg nadzora nad finansijskim transakcijama, definisanja opisa poslova i procedura prijema za sekretare MZ i protokola primopredaje dužnosti.

9. Četiri mjesne zajednice upozorene na obavezu redovnog dostavljanja izvještaja (Novi Miljanovci, Orašje Planje, Novo Selo, i Mrkotić) poslije toga je primjetan napredak.
10. Tokom godine samo je MZ Novi Miljanovci upozorena na obavezu održavanja sastanaka, najvjerovatniji uzrok za neredovnost u održavanju istih je blokada računa MZ čime su znatno smanjene aktivnosti i mogućnosti organa MZ za realizaciju nekih poslova i projekata. Sa predstavnicima Asfaltgradnje Visoko održano nekoliko sastanaka koji su rezultirali potpisivanjem Sporazuma o izmirenju dugovanja te deblokadom računa MZ.
11. U skladu sa mogućnostima Općina je podržala organizaciju obilježavanja važnijih datuma na području mjesnih zajednica a prema podnesenim zahtjevima.
12. Tokom mjeseca aprila održani sastanci sa predstavnicima MZ kroz koje je planiran prolazak Autoputa na koridoru V-c, iste su upoznate sa predloženom trasom te su dostavile svoje zahtjeve na trasu a koje je uvažilo Općinsko vijeće prilikom davanja uslovne saglasnosti na trasu.
13. Pripremljen je i realizovan Plan Edukacije sekretara i predsjednika Savjeta za 2014-tu godinu.
14. Pojedine mjesne zajednice organizuju stalne sastanke sa predstavnicima naseljenih mjesta odnosno zaseoka što je dalo dobre rezultate te bi bilo lijepo da se takva praksa uvede u sve MZ.
15. I pored postojeće baze projekata od predstavnika mjesnih zajednica traženo je da dostave po tri prioriteta projekata koja kandiduju za realizaciju u 2015. godinu, ovo je još jedan od pokazatelja uvažavanja mišljenja i zahtjeva predstavnika MZ prilikom kandidiranja kapitalnih projekata.

### **3.2. Nadzor nad finansijskim transakcijama mjesnih zajednica**

---

U cilju efikasnijeg vršenja nadzora nad radom mjesnih zajednica, mjesne zajednice su obavezne da dostavljaju izvještaj o svim novčanim transakcijama do desetog u mjesecu za protekli mjesec, kako bi se provjerila zakonitost finansijskog poslovanja. Pošto je provođenjem procedura izabran jedinstveni knjigovodstveni servis finansiran od strane Općine Tešanj, isti je zadužen da prati sve finansijske tokove te u slučaju uočenih nedostataka da obavjesti Službu o istim. To naravno ne umanjuje ličnu i kolektivnu odgovornost organa i nosioca funkcija. Izvršena je šestomjesečna i godišnja analiza izvještaja, te poduzimane mjere shodno nalazima iz izvještaja:

- a) Tražene dopune izvještaja, i upozoreno na identifikovane nedostatke te na neredovno dostavljanje dokumentacije, radilo se o kraćem kašnjenju dostave dokumentacije a poslije upozorenja otklonjeni nedostaci, a odnosi se na MZ Mrkotić i Novi Miljanovci.
- b) MZ Novi Miljanovci zbog dugovanja iz ranijeg perioda bio blokiran račun, nakon potpisivanjem sporazuma te plaćanjem dijela duga isti je deblokiran. Ostatak duga koji bi trebao biti plaćen u 2015-toj godini nešto manje od 25 000 KM.
- c) Bitno je napomenuti da je u izvještajnom periodu mjesna zajednica Karadaglije u potpunosti izmirila dugovanja prema „Hajdić doo“ Maglaj te da je izbjegnuta tužba i potraživanje zatezних kamata.

- d) Nekoliko mjesnih zajednica još su opterećene dugovanjima za projekte iz ranijeg perioda, to su MZ Bobare, Drinčići, Blaževci (76.390,00 KM i to 16.190,00 KM “Geo put doo” i 60.200,00 KM “Dobojputevi doo”), MZ Karadaglije(150.000,00 KM“Dobojputevi doo”) i MZ Orašje Planje (57.900,00 KM“Dobojputevi doo”), iste imaju potpisane sporazume za povrat duga, ista se vraćaju sa liste za kapitalna ulaganja ali dinamika je spora zbog ograničenja navedenih sredstava. Iz gore navedenog je vidljivo je da je ostatak dugovanja MZ cca 309.000 KM te da će u narednom periodu samo tri MZ biti opterećene dugovima za realizovane projekte iz ranijeg perioda. U narednom periodu potrebno je uraditi anexe sporazuma sa ciljem prolongiranja rokova otplate.
- e) Pored navedenih dugovanja u izvještajnoj godini sanirani su manji dugovi i to MZ Tešanjka cca 8600 KM za radove na zgradi MZ, MZ Ljetinić 2500 KM za radove na krovu zgrade, a MZ Jelah svoja dugovanja prema JKP Rad Tešanj rješava prema posebnom sporazumu.
- f) Tokom godine nije bilo obustava isplata osim onim mjesnim zajednicama koje su dio sredstava preuzele akontativno te sada ta sredstva vraćaju.
- g) Uočene nepravilnosti prilikom fakturisanja poslova zimskog održavanja puteva u nekoliko mjesnih zajednica, MZ upozorene da kontaktiraju izvođače te dok ne otklone navedene nepravilnosti neće biti plaćen drugi dio sredstava za održavanje puteva. Nakon toga nepravilnosti su otklonjene
- h) Uočeno je kraće kašnjenje u plaćanju poreza i doprinosa u MZ Orašje Planje ali po upozorenju nedostatak otklonjen.
- i) Tokom realizacije poslova dostave vode cisternama za građane MZ Trepče uočene nepravilnosti u prikupljanju novčanih sredstava za podršku u realizaciji ove aktivnosti, poslije upozorenja nepravilnosti otklonjene.
- j) Izvršena kontrola poštivanja odredbi Zakona o javnim nabavkama u pet mjesnih zajednica po slučajnom izboru, a težište je dato na procedure prilikom izbora izvođača poslova na zimskom održavanju puteva u organizaciji MZ. Uočeni su sitniji nedostaci te date instrukcije za otklanjanje istih. Jedna od mjera je pojačana edukacija predstavnika MZ u narednom periodu te pružanje direktne pomoći u provođenju procedura na terenu u 2014.

### **3.3. Provedeni auditi**

---

Na osnovu utvrđenog Plana audita budžetskih korisnika Komisija za provođenje audita izvršila je audit svih mjesnih zajednica putem knjigovodstvenog servisa, a u dvije mjesne zajednice vršena je kontrola na licu mjesta sa ciljem provjere načina donošenja odluka i realizacije istih. Prema posebnom planu izvršeni su specijalistički audit koji se odnosio na korištenje informatičke opreme kao provjere inventara prema popisnim listama te provjera stepena otklonjenih nedostataka od prethodne godine. Cilj je bio uvid u stanje ove opreme, kontrola osposobljenosti tehničkih sekretara za rad na računarima te pružanje pomoći u radu sa službenim E mail adresama. Nakon provedenih audita poduzete su sljedeće mjere:

1. Dodijeljena računarska oprema se koristi u skladu sa namjenom, a 60 % sekretara je znalo koristiti službenu Email adresu. Ostatku sekretara njih cca 40 % je na licu mjesta pružena pomoć i date dodatne instrukcije za rad,

2. Dodijeljena oprema koja se nalazila na odvojenim lokacijama u dvije MZ a koja u vrijeme audita nije bila stavljena u funkciju, prilikom ovog obilaska nalazila se u MZ te je maksimalno iskorištena,
3. Poslije dodjeljenih službenih adresa povećan je broj mjesnih zajednica koje imaju internetsku konekciju, samo još četiri mjesne zajednice nemaju priključak na internet, iste službene mail adrese koriste sa privatnih internet konekcija,
4. Stalna komunikacija, povećani kontakti sa predstavnicima MZ kao i obustava sredstava u slučaju neredovnog izvještavanja ili povreda zakonitosti u radu, predstavlja efikasan mehanizam za otklanjanje nedostataka, u daljnjem radu nastaviti primjenjivati,
5. Primjenom usvojenih akata Statuta, poslovnika o radu savjeta i skupština sa pravilima odlučivanja, uvođenjem jedinstvenog Knjigovodstvenog servisa, povećana je zakonitost, ozbiljnost u radu i donošenju odluka,
6. Nastavljena je aktivnost na definisanju jedinstvenog statusa mjesnih vodovoda i organizovanje njihovog rada na zakonitim osnovama (legalizacija istih), ista još uvijek nije dala očekivane rezultate, osim u MZ Šije gdje je napredak evidentan. MZ Kalošević, Mrkotić i Bobare, Drinčići, Blaževci će u narednom periodu morati poduzeti aktivnosti na povećanju zakonitosti u upravljanju vodovodima.
7. Urađen je i u MZ dostavljen unificiran protokol primopredaje, koji se pokazao kao veoma koristan prilikom preuzimanja pojedinih dužnosti jer se tokom iste uradi inventura kompletne dokumentacije, inventara, imovine i raspoloživih novčanih sredstava,
8. Pružana je konstantna pomoć u poštivanju procedura prilikom zamjene pojedinih članova organa mjesnih zajednica, izbora sekretara, kao i prevazilaženje drugih problema sa kojim su se organi MZ susretali.

### **3.4. Rad organa mjesnih zajednica tokom elementarne nepogode**

---

Tokom mjeseca maja i augusta 2014. godine Bosnu i Hercegovinu a time i područje općine Tešanj zadesila je vremenska nepogoda "poplava" koja je prouzrokovala ogromnu materijalnu štetu a organi MZ su imali značajnu ulogu u spašavanju i pružanju druge vrste pomoći, ovom prilikom bi istakli:

- Poplavom je zahvaćeno više mjesnih zajednica, a u MZ Šije, Kraševo i Kalošević bili su ugroženi stambeni i pomoćni objekti, te su organi MZ bili angažovani u službi spašavanja i zbrinjavanja ljudstva i imovine,
- Na području općine evidentirano je preko 100 klizišta a upravo su predstavnici mjesnih zajednica bili ti koji su prvi izlazili na teren, sagledavali stepen ugroženosti objekata infrastrukture i stambenih objekata te Službi CZ javljali potrebne podatke, a u slučaju potrebe pomagali evakuaciju stanovnika i njihov privremeni smještaj,
- Vršeno je konstantno održavanje prohodnosti komunikacija prema općini Maglaj, a posebno prohodnost kroz MZ Karadaglije, Jablanica i Trepče koje graniče sa općinom Maglaj,
- Uglavnom sve MZ su organizovale prikupljanje, sortiranje i distribuciju pomoći na ugrožena područja te je znatna količina pomoći dostavljena na područja od Bijeljine do Zenice direktno, a dio pomoći je dostavljan i u zbirni centar koji je organizovao Štab CZ,
- Po završetku poplava MZ su aktivno uključene u organizovano čišćenje poplavljenih područja tako što su organizovale i logistički podržale radne timove za čišćenje,
- Pružana je pomoć organa mjesnih zajednica komisijama za popis šteta koje su nastale usljed elementarne nepogode,

-Po proglešenju prestanka elementarne nepogode predstavnici MZ su aktivno uključeni u sistem praćenja i izvještavanja te angažovanja na otklanjanu posljedica obilnih padavina koje su na čitavom području prouzrokovale znatnu štetu posebno na putnim komunikacijama.

#### 4. Aktivnosti organa mjesnih zajednica

---

##### 4.1. Rad organa MZ

Rad predsjednika i članova organa mjesnih zajednica je uglavnom na volonterskoj osnovi, samo jedan broj mjesnih zajednica isplaćuje simbolične nadoknade za prisustovanje sastancima u vidu putnih troškova i radu odbora i komisija, i ova aktivnost se dovodi u zakonske okvire tako što se prilikom isplata vrše obračuni poreza i doprinosa.

Ukupan broj članova organa mjesnih zajednica je 517, od čega su 157 članovi savjeta, a 360 članovi skupština mjesnih zajednica. Mjesne zajednice u svom radu imaju, razne odbore i komisije koje pomažu u realizaciji planiranih aktivnosti, većinom kroz volonterski rad. To govori o velikom broju građana koji učestvuju u realizaciji planiranih projekata na području općine.

##### *Broj sastanaka organa mjesnih zajednica*

<i>Redni broj</i>	<i>Održano sastanaka Savjeta</i>	<i>Održano sastanaka Skupštine</i>
<b>1.</b>	<b>191</b>	<b>42</b>

*Pojedinačni pregled sastanaka po mjesnim zajednicama, nalazi se u tabelarnom prikazu na kraju informacije.*

##### 4.2. Realizacija infrastrukturnih projekata

Pomoć u realizaciji projekata koje je općina vodila u mjesnim zajednicama pružile su mjesne zajednice i njihovi organi, brojnih aktivisti u građevinskim odborima i građani unutar mjesnih zajednica. Na zahtjev Općinskog načelnika mjesne zajednice su bile dužne da za realizaciju projekta na području mjesne zajednice predlože kontakt osobu, čiji je zadatak da saraduje sa menadžerom projekta iz općine na realizaciji projekta. Ova praksa se pokazala ispravnom.

Doprinos mjesnih zajednica se ogleda kroz kandidovanje projekata, pripremu tehničke dokumentacije, prikupljanje potrebnih saglasnosti za dobivanje odobrenja za gradnju, prikupljanje vlastitog učešća građana za realizaciju projekata, u saradnji sa Službom za katastar, urbanizam i imovinsko-pravne poslove rješavanje imovinsko-pravnih odnosa sa fizičkim licima i sl.

Ovom prilikom želimo istaknuti nesebično angažovanje većine izabranih predstavnika mjesnih zajednica zaduženih za realizaciju projekata, što je olakšalo rad kako mjesnim zajednicama tako i menadžerima projekata. Zbog neriješenih imovinsko pravnih odnosa dolazilo je do kašnjenja u izdavanju odobrenja za gradnju i usporavanja realizacije projekata, što je razlog da se za 2015 godinu ponovo planira realizacija navedene teme u planu edukacije. Značajni problemi sa kojima se susreću organi mjesnih zajednica kod pokretanja i realizacije aktivnosti je i zakonska nemogućnost obavezivanja svih građana da u skladu sa svojim finansijskim mogućnostima učestvuju u izgradnji infrastrukture i drugih projekata koji su od zajedničkog interesa.

##### 4.3. Rad sekretara mjesnih zajednica

Status sekretara u MZ Jelah, Raduša, Šije, Tešanj i Medakovo je riješen kroz uposlenje na puno radno vrijeme, izuzev što sekretar MZ Vukovo zaposlen na polovinu radnog vremena, dok ostale mjesne sredine zbog obima poslova i nedostatka sredstava, angažuju osobe po potrebi s utvrđenim radnim vremenom, kako bi zadovoljili osnovne potrebe građana. Sa istim su potpisani ugovori o djelu ili obavljanju privremenih i povremenih poslova. Potrebno je naglasiti da je u urađen prijedlog izmjena i dopuna Poslovnika o radu Savjeta mjesnih zajednica kojim su definisani način potpisivanja Ugovora o angažovanju sekretara, procedure izbora, opisi poslova i određena ograničenja za lica koja obavljaju poslove sekretara MZ. Prijedlog je dostavljen i usvojen od strane Savjeta svih mjesnih zajednica čime je došlo do povećanja zakonitosti i efikasnosti u radu sekretara i povećano zadovoljstvo građana. Koristeći propisane procedure tokom 2014. godine došlo je do angažovanja novih lica na poslovima sekretara u 4 mjesnih zajednica i to: Tešanj 2x, Miljanovci-Lončari, Kraševo, Medakovo i Šije, takođe i MZ Kalošević je pokrenula proceduru izbora novog sekretara (zbog bolesti nije u stanju obavljati poslove) ali do pisanja ove informacije ista nije završena .

Po urađenom auditu budžetskih korisnika utvrđeno je da se sve oporezive isplate fizičkim licima vrše žiralo, po odgovarajućim ugovorima i sa izmirenjem obaveza po osnovu doprinosa i poreza (ukupno 22% sredstava na neto isplate). Preporučenim načinom isplata nadoknada svim fizičkim licima putem žiro računa uz obavezno izmirenje obaveza po osnovu doprinosa i poreza, ne samo da ćemo ispoštovati zakon već će se postići i transparentnost trošenja sredstava.

Značajan doprinos pružili su sekretari većine mjesnih zajednica tokom realizacije aktivnosti prikupljanja i odvoza električnog i elektronskog otpada, istu je provodila općinska administracija a prikupljene su značajne količine otpada koje su na propisan način zbrinute.

#### **4.4. Edukacija predsjednika Savjeta i sekretara mjesnih zajednica**

Kao i svake godine Služba koja koordinira rad sa mjesnim zajednicama je za 2014 godinu pripremila Plan edukacije predsjednika Savjeta i sekretara MZ. Isti je razrađen kroz 10 tema, i u potpunosti realizovan. Evidentno je da je došlo do blagog pada prisustva predsjednika Savjeta na edukacijama (procenat prisustva bio 19,6 %) u odnosu na prisustvo 2013 (procenat prisustva je bio 21,8 %) te se na ovaj plan sve više gleda kao na Plan edukacije sekretara MZ uz relativno slabo prisustvo predsjednika Savjeta. Najvjerovatniji uzrok slabog odaziva predsjednika Savjeta je taj što se većina predsjednika Savjeta nalazi u radnom odnosu, a edukacije se vrše u radno vrijeme što predsjednicima onemogućava prisustvo. Takođe, primjetno je povećano interesovanje sekretara MZ na edukacijama (procenat prisustva je bio 91,70% u odnosu na 88,80% u 2013 godini, a odsutnost je u većini slučajeva bila najavljena i opravdana), što je pohvalno i podiže stepen Zakonitosti u radu organa MZ na viši nivo. Još je potrebno naglasiti da zbog povećanog interesovanja i velikog broja postavljenih pitanja najčešće planirano vrijeme za realizaciju edukacije bude u potpunosti iskorišteno, a u nekoliko slučajeva čak se ostalo i duže od planiranog.

Planom edukacije su obuhvaćene slijedeće oblasti:

- Analiza rada organa mjesnih zajednica.
- Rad jedinica civilne zaštite.
- Ekologija i komunalna higijena.
- Elektronska komunikacija.
- Finansijsko poslovanje.
- Rad policije u zajednici.
- Socijalna zaštita.

I za 2015-tu godinu Služba je uradila plan edukacije čija je realizacija u toku težište će biti usmjereno na primjenu statutarnih odredbi, pojašnjenja odredbi Zakona o građenju, poštivanje Zakona o javnim nabavkama, upravljanje mjesnim vodovodom i sl. Zbog povećanog interesovanja sekretara MZ ovogodišnji plan je urađen kroz 16 tema za realizaciju a koje su uglavnom predložili organi MZ.



## 5. Pojedinačni pregled MZ-a

---

### 5.1. Bobare-Drinčići-Blaževci

Na području MZ imaju četiri doma, jedan u naseljenom mjestu Bobare, drugi u Drinčićima i dva devastirana doma u Blaževcima. Dio doma u Drinčićima je izdat za potrebe smještaja laktofriza a za šta je postoji potpisan i ugovor o zakupu, a u drugom dijelu je smještena trgovina Rahmet koja je za iznos kirije izvršila sanaciju prostora a dalje korištenje će biti definisano ugovorima. Objekat društvenog doma u Drinčićima je u postupku legalizacije. Tokom prethodne godine glavne aktivnosti u MZ Bobare, Drinčići, Blaževci su bile vraćanje dijela duga za projekte realizovane u prošlosti, unutrašnje uređenje Doma u Bobarama-sala, pokretanje aktivnosti za uređenje domova u Blaževcima, jedan je saniralo lovačko društvo koje će jedan dio vremena i koristiti prostor i održavanje manifestacije Dani mjesne zajednice. Poduzimane su aktivnosti otklanjanja posljedica brojnih klizišta koja su se pojavila na ovom području. Osnovni problem u radu organima ove mjesne zajednice predstavlja visok dug za realizaciju projekata iz ranijeg perioda usljed čega ovoj mjesnoj zajednici prijetila i blokada računa. MZ je pokrivena sa 3.000 m javne rasvjete i sa dva mjerna mjesta. U izvještajnom periodu pokrenute su aktivnosti na pripremama za gradnju spomen obilježja te planiranje rasvjete u Drinčićima. Istakao bi nesebično zalaganje predstavnika mjesne zajednice tokom proglašenja elementarne nepogode.

### 5.2. Bukva

Površina društvenog doma je 329 m<sup>2</sup>, u jako dobrom je stanju i u 2014-toj godini je izdat pod zakup, u istom je pokrenuta proizvodnja a sredstva koja mjesna zajednica ostvaruje po ovom ugovoru uveliko olakšava rad i funkcionisanje organa MZ. U izvještajnom periodu izvođeni radovi na postavljanju i uređenju oglasnih stubova u svim naseljenim mjestima a što je MZ finansirala iz vlastitih sredstava, stalni radovi na uređenju sportskog poligona sa dječijim igralištem u naseljenom mjestu Čifluk, objekta Šehidskog spomen obilježja i prostora oko zgrade MZ. Tokom izvještajnog perioda glavna aktivnost je vođena na realizaciji projekta asfaltiranja puta Toplana -Čifluk te je urađeno novih 270 m asfalta a finansiranje je išlo sredstvima građana i sredstvima Budžeta Općine. Bitno je napomenuti da su organi MZ dali maksimalan doprinos i tokom proglašene elementarne nepogode te su u nekoliko navrata prikupljenu pomoć dostavljali u Štab CZ. Obilježavanje Dana mjesne zajednice Bukva postaje tradicionalno a težište se stavlja na sjećanje na one koji su za slobodu ovog područja dali svoje živote. MZ svojim geopoložajem pokriva industrijsku zonu Bukva, ali to često pored mnogo pozitivnih ima i negativne konotacije za život i rad, navest ćemo neke: povećana frekvencija saobraćaja smanjuje bezbjednost učesnika u saobraćaju, industrijska postrojenja su ujedno i stalni zagađivači, na području MZ je smještena gradska deponija smeća i toplana koji su takođe zagađivači zraka itd.. U cilju poboljšanja životnih uslova privredni subjekti ulažu znatna sredstva u ugradnju prečištača kako otpadnih voda tako i ispusnih gasova. Organi MZ planiraju da razgovaraju sa JP Toplana u cilju realizacije projekta daljinskog grijanja za domaćinstva kako bi se smanjilo ukupno zagađenje zraka.

### 5.3. Dobropolje-Mekiš

Težišne aktivnosti organa MZ su se svodile na realizaciju projekta vodosnabdijevanje cijelog područja MZ, navedeni projekat se u izvještajnom periodu sveo na parcijalna rješavanja sekundarne mreže prema zahtjevima građana. Druga od aktivnosti je izgradnja dijela trotoara pored R474, ista je urađena u dužini od 970 m a realizovana je od strane Direkcije za ceste Ze-Do Kantona, realizacijom ovog projekta povećana je bezbjednost učesnika u saobraćaju a posebno djece školskog uzrasta. Treća ali ne manje značajna aktivnost je asfaltiranje puta Aleksići -Mujezinovići II faza koji je finansirano sredstvima Budžeta i građana. U saradnji sa MZ Jablanica i Karadaglije na lokalitetu tt 732 "Crni vrh" uz pomoć Općine Tešanj izvršeno uređenje platoa te izgrađeno spomen obilježje i drugi sadržaji. Površina društvenog doma od 120 m<sup>2</sup>, od kojih se 20 m<sup>2</sup>, koristi za potrebe mjesne zajednice, a preostali prostor se koristi za potrebe omladine, druženje građana pri organizaciji manifestacija i sl. Objekat u Dobropolju nema Odobrenje za gradnju, vode se aktivnosti na legalizaciji i pribavljanju

Odobrenja za gradnju. Pokrenuta je aktivnost nastavka izgradnje ulične rasvjete pored R474 a u cilju povećanja sigurnosti u odvijanju saobraćaja. Nekoliko razgovora je vođeno oko načina upravljanja Stadionom u Mekišu koji pored omladine mjesne zajednice koristi i NK TOŠK te ragbi tim.

#### **5.4. Džemilić Planje**

Društveni dom je površine 350 m<sup>2</sup>, i u njemu je smještena kancelarija mjesne zajednice, na dio prostora u zgradi MZ Džemilić Planje prava polaže "Vemal". U izvještajnom periodu došlo je do određenog ulaganja u prizemlje objekta čime su poboljšani uslovi za rad kako organa MZ, tako o omladine sa područja MZ. U izvještajnom periodu udruživanjem sredstava građana i sredstava Budžeta realizovana su dva projekta i to asfaltiranje puta Turkeši i puta Sinanovići. Realizovane su planske aktivnosti redovnog održavanja puteva i realizacija programa dani MZ. Bitno je napomenuti da je rađeno uređenje platoa kod spomen obilježja "Vrtače" gdje je MZ organizovala prigodno druženje u spomen onih koji su dali svoje živote za odbranu ovih prostora. Težišne aktivnosti za narednu godinu će biti sagledavanje mogućnosti izgradnje projekta pumpne stanice čime bi se poboljšao sistem vodosnabdijevanja građana koji žive na ovom području. I ova mjesna zajednica dala je veliki doprinos u pružanju pomoći poplavljenim iako je i sama pogođena brojnim klizištima.

#### **5.5. Jablanica**

Težišne aktivnosti na području mjesne zajednice Jablanica su bile realizacija kapitalnih projekata od kojih bi izdvojio asfaltiranje dijela puta prema naseljenom mjestu Ripna, te asfaltiranje dijela puta u Rošama a koji je alternativni pravac u slučaju prekida saobraćaja na prevoju Čatin greb. Realizovan je i dio projekat uređenja puta Čaglići-Roše u kojem su značajno učešće uzeli i građani a izvedeni su zemljani radovi. Organi mjesne zajednice su uložili maksimalne napore u organizaciju manifestacije Dani mjesne zajednice a u sklopu te manifestacije već tradicionalno se organizuje obilazak prvih linija odbrane na najvišem vrhu Općine Tešanj tt 732 "Crni vrh". Ove godine je na navedenom lokalitetu uz pomoć Općine Tešanj te saradnju MZ Dobropolje Mekiš i Karadaglije izvršeno uređenje platoa te izgrađeno spomen obilježje i drugi sadržaji. MZ ima manji objekat u kojem je smještena kancelarija, prostorija za sastanke i jedna kancelarija za rad NVO-a Eko mladi. Na području ove mjesne sredine u toku prethodne godine urađeni su i pušteni u rad jedan dio rasvjete. Prioritet u narednom periodu se odnosi na rješavanje problema vodosnabdijevanja cijelog prostora MZ a za 2015 je planiran i već potpisan ugovor za dio radova na vodosnabdijevanju Roša. Tokom elementarne nepogode Organi MZ organizovali prikupljanje i distribuciju humanitarne pomoći, područje MZ je zahvatilo nekoliko klizišta, ukupno je pet porodica iseljeno, četiri su dobile instrukcije šta trebaju poduzeti za spašavanje objekta a jedna porodična kuća proglašena kao neupotrebijiva za življenje. Lijepa praksa koju redovno realizuje savjet MZ je sastanci sa predstavnicima vjerske zajednice, UG, Osnovne škole te predstavnicima svih zaseoka kroz koje se vidi stvarne potrebe građana a poboljšava povjerenje istih prema organima MZ.

#### **5.6. Jelah**

Težišne aktivnosti na području mjesne zajednice Jelah bile su sanacija infrastrukturnih objekata. Rađeni su projekti asfaltiranja puteva i to put Kujundžići, ulice Ivana Franje Jukića puta u Jelah polju. Najviše energije u komunikaciji sa MZ Jelah je utrošeno u iznalaženju najkvalitetnijeg rješenja za zonu Centar Jelah, sa osvrtom na izgradnju objekata sportske dvorane i administrativno kulturnog centra, samo po ovom pitanju održano je nekoliko sastanaka Općinskog načelnika sa Savjetom MZ Jelah, ove aktivnosti se nastavljaju i u narednom periodu. Dio objekta doma koji je srušen zbog gradnje nove saobraćajnice postao je prijatnija za građane te je građevinski inspektor u saradnji sa predstavnicima MZ izvršio obilježavanje ruševnog objekta kako bi se spriječilo eventualno povređivanje građana. Kancelarija MZ Jelah još uvijek je smještena u prostorijama Općinskog ureda

Jelah. Objekat "Čitaonica" u Potočanima koristi omladinska organizacija i građani iz Potočana, Objekat zvani "Dobojputevi" prizemlje izdat je u zakup MUP-u Ze-DO kantona. MZ Jelah je u saradnji sa Općinom i nevladinim organizacijama i UG uspješno realizovala manifestacije: Dani otpora, prvomajska proslava, Jelaško ljeto, doček nove godine i druge.

### **5.7. Jevadžije**

Mjesna zajednica ima Društveni dom u kojem je smještena kancelarija MZ-e, potrebno redovno održavanje i djelimična sanacija krova. Na području ove mjesne sredine nema izgrađene javne rasvjete. Glavna aktivnost u izvještajnom periodu je bila otvorenje izgrađenog Šehidskog spomen obilježja u neposrednoj blizini džamije. Tokom realizacije ovog projekta je bilo manjih problema ali je izgradnja istog je završena. Bitno je napomenuti nesebično zalaganje organa MZ prilikom prikupljanja pomoći poplavljenim područjima, te angažovanje radnih timova za pomoć u čišćenju. U narednom periodu aktivnosti organa mjesne zajednice će biti usmjerene pored redovnog održavanja i na gradnju na Karahodžići te projekat gradnje ulične rasvjete kroz MZ. Rad organa mjesne zajednice bio je na dobrom nivou, stalna komunikacija MZ-Općinska administracija rezultira bržim i efikasnijim rješavanjem poslova.

### **5.8. Kalošević**

U izvještajnom periodu u koordinaciji sa knjigovodstvenim servisom definisane radnje koje se trebaju poduzeti u cilju zakonitog upravljanja vodovodom. Ukupna površina doma je 250 m<sup>2</sup> novi objekat je površine 110 m<sup>2</sup> i koristi se za potrebe mjesne zajednice i Općinskog ureda sa precizno definisanim radnim vremenom. U povodu 1.Marta organizovano polaganje cvijeća na Šehidsko obilježje i svečana sjednica Skupštine. Organi MZ po posebnim zaduženjima uspješno su realizovali poslove ljetnog i zimskog održavanja puteva. Potrebno je istaći da su organi MZ zbog proglašene elementarne nepogode odustali od organizacije već tradicionalne manifestacije Dani mjesne zajednice, a energiju su usmjerili u pružanje pomoći poplavljenim na prostoru MZ. Izvršeno je djelimično uređenje korita rijeke Usore i Djedovačkog potoka u cilju bolje zaštite od poplava. Od kapitalnih projekata sa liste kapitalnih realizovan je asfaltiranje puta Asimova kuća- Greblje a sredstva koja su prenesena iz 2013-te usmjerena na put most-Lete. Tokom godine je usljed bolesti sekretara, a na osnovu poslovnikom propisanim procedura, Savjet MZ je pokrenuo proceduru izbora novog sekretara MZ koja do pisanja ove informacije nije završena.

### **5.9. Karadaglije**

MZ nema izgrađenog društvenog doma, a kancelarija smještena u objektu stare ambulante koji je u lošem stanju, tokom godine pokrenute su aktivnosti na uređenju prostorija koje će koristiti organi MZ. Osnovni problem u radu organima ove mjesne zajednice predstavlja visok dug za realizaciju projekata iz ranijeg perioda, te se sva sredstva od koncesija i pripadajuća sredstva sa liste za kapitalna ulaganja a koja pripadaju MZ Karadaglije preusmjeravaju ka vraćanju duga iz ranijeg perioda. Tokom godine realizovan je dio projekta pješačke staze koji je obuhvatio i odvodnju oborinskih voda sa tog područja. U saradnji sa MZ Jablanica i Dobropolje Mekiš na lokalitetu tt 732 "Crni vrh" uz pomoć Općine Tešanj izvršeno uređenje platoa te izgrađeno spomen obilježje i drugi sadržaji. Tokom poplave Organi MZ organizovali prikupljanje i distribuciju humanitarne pomoći, područje MZ je zahvatilo nekoliko klizišta a jedna porodica je iseljena i još uvijek nije vraćena u stambeni oblekat. Organi MZ pokazali su posebno interesovanje za informacije oko aktivnosti koje se vode u pripremi za gradnju autoputa na koridoru Vc te je na ovu temu više puta razgovarano sa Općinskom administracijom. MZ je pokrivena sa 2.000 m. javne rasvjeta i sa jednim mjernim mjestom, na istoj su u izvještajnom periodu u potpunosti zamijenjene postojeće sijalice sa štednim sijalicama. Težište u narednom periodu će biti pored vraćanja dugovanja i početak gradnje Šehidskog spomen obilježja (projektovanje i prikupljanje potrebne dokumentacije).

### **5.10. Kraševo**

U izvještajnom periodu izvršena je djelimična objekta u dijelu krova. Od kapitalnih projekata realizovan je projekat asfaltiranja puta Pezeri a uzrok je bio jer za put Čolići nije prikupljena projektna niti građevinska dokumentacija, isti je prioritetan projekat za 2015-tu godinu. Organi MZ su organizovali i realizovali višednevnu manifestaciju Dani mjesne zajednice, a podršku je pružio i Općinski načelnik. Tokom godine a poštujući poslovničke procedure izvršen je izbor novog sekretara MZ. Tokom elementarne nepogode i područje MZ Kraševo je zahvaćeno poplavom u dijelu Kraševo polja a organi MZ su angažovani na poslovima pomoći i spašavanja. Nekoliko porodica je bilo evakuisano iz svojih objekata. Jedan od problema koji je konstantno opterećavao rad organa MZ je i razgraničenje tj. utvrđivanje stvarnih granica između naseljenih mjesta Kraševo i Tešanjka jer dolazi do nesuglasica u nadležnostima (najčešće prilikom održavanja putnih komunikacija) u dijelu Starog Kraševa.

### **5.11. Ljetinić**

Prostor doma površine od 24 m<sup>2</sup> koristi se za potrebe MZ, preostali prostor površine 272 m<sup>2</sup> je izdat u zakup, sredstva od zakupa će dobro doći organima MZ za organizaciju raznih sadržaja na prostoru MZ. Objekat doma je djelimično saniran u dijelu krova, u ovoj sanaciji pored učešća Općine značajna sredstva je izdvojila i MZ, dio duga iz prethodne godine za ovaj projekat je izmiren u 2014-oj godini. Jedna od aktivnosti organa MZ bila je i aktivno učešće u održavanju putnih komunikacija kako u ljetnom tako i u zimskom periodu, naravno u saradnji sa Općinskom administracijom. Asfaltiranje puta Plac-Šljunkara kandidovan je za realizaciju višim nivoima vlasti ali nije došlo do realizacije istog. U narednom periodu organi MZ planiraju svoju aktivnost usmjeriti u rješavanje pitanja izgradnje sportskog centra na lokaciji Šljunkara za koje su izgradili idejno rješenje te inicirali razgovore za dodjelu društvenog zemljišta za te namjene.

### **5.12. Medakovo**

MZ ima društveni dom u kojem je smještena kancelarija MZ-e u 60 m<sup>2</sup> i laktofriz u 30 m<sup>2</sup>, a preostali prostor od 600 m<sup>2</sup> je izdat pod zakup. MZ ostvaruje značajne prihode od zakupa prostora što im uveliko olakšava rad. Objekat društvenog doma je u dobrom stanju dok je objekat koji se je koristio kao prodavnica "Vemal" Tešanj u lošem stanju i predmet je rješavanja sudskog spora. Kapitalni projekti su se bazirali na realizaciju projekta izgradnje vodovoda Medakovo-Trepče te asfaltiranje puta Križanovići u čijem finansiranju su značajnu ulogu preuzeli organi MZ tokom realizacije ovog projekta izvršena je i sanacija klizišta u naselju Križanovići. U cilju poboljšanja sigurnosti učesnika u saobraćaju, a posebno školske djece, realizovan je projekat izgradnje trotoara pored LC Tešanj-Tešanjka. Aktivnost izgradnje vodovoda ostaje prioritetna i za naredni period. Organi MZ pokazali su posebno interesovanje za informacije oko aktivnosti koje se vode u pripremi za gradnju autoputa na koridoru Vc te je na ovu temu više puta razgovarano sa lokalnom upravom. Tokom elementarne nepogode na ovom prostoru su pokrenuta brojna klizišta koja su ugrozila i nekoliko stambenih objekata.

### **5.13. Miljanovci-Lončari**

MZ ima dva društvena doma. U jednom je smještena kancelarija MZ-e i ambulanta, za ovaj objekat organi MZ su pokrenuli postupak za dobijanje upotrebne dozvole. Drugi društveni dom se nalazi na Palučku i bio je u lošem takoreći ruševnom stanju ali je saniran. Tokom godine organizovano se otvorenje saniranog doma u Palučku a istom je prisustvovao i ambasador Češke Republike koji je i bio jedan od donatora i sufinansijera same adaptacije. U izvještajnom periodu urađena je sanacija putne komunikacije na dionici Osnovna škola-Sarači i navedena aktivnost se planira nastaviti. I ova mjesna zajednica je tokom elementarne nepogode zahvaćena klizištima ali nije bilo ugroženih stambenih objekata. Kroz niz održanih sastanaka precizirane su radnje koje treba da poduzmu organi mjesne zajednice kako bi zatvorili nezatvorena potraživanja. MZ je pokrivena sa 5.410 m. javne

rasvjeta sa dva mjerna mjesta. Krajem godine, poštujući procedure koje su propisane poslovnikom o radu savjeta MZ, organi MZ pokrenuli proceduru izbora novog sekretara mjesne zajednice te taj postupak završili. Tokom godine pružena podrška koja je za cilj imala poboljšavanje uslova za rad organa MZ te je kancelarija MZ spojena na sistem zagrijavanja ambulante.

#### **5.14. Mrkotić**

Težište aktivnosti organa mjesne zajednice u izvještajnom periodu su bile realizacija kapitalnog projekta asfaltiranja puta Rizvani-Vjerovi te projekta javne rasvjete koja je realizovana sredstvima građana. Pored ovih aktivnosti MZ je i ove godine organizovala Dan mjesne zajednice, uredila spomen ploču na prvoj liniji odbrane i druge sadržaje a u spomen boraca-šehida koji su poginuli tokom odbrane ovih prostora. Organi mjesne zajednice upozoreni na obavezu slanja opštih i finansijskih izvještaja te poslije upozorenja slanje je urednije ali još uvijek nije na potrebnom nivou na šta se planira usmjeriti pažnja u narednom periodu. Tokom proglašene elementarne nepogode brojna klizišta su zahvatila područje MZ, nanijela štetu na putnoj infrastrukturi a jedan stambeni objekat je proglašen kao neuslovan za život. I pored angažovanja na svom području nemože se ne primjetiti angažovanje na prikupljanju i distribuciji humanitarne pomoći kao i slanje timova za čišćenje poplavljenih područja.

#### **5.15. Novi Miljanovci**

Dio Omladinskog doma u kojem je smještena kancelarija MZ-e i ambulanta je u zadovoljavajućem stanju, drugi dio je bio u lošem stanju i u izvještajnom periodu zajedničkom akcijom Omladinskog kluba, udruženja žena Jorgovan i Omladinske banke urađena je prva faza adaptacije tako što je postavljena stolarija na navedenom dijelu objekta. Tokom godine urađena je adaptacija i reorganizacija prostorija koje je koristila MZ te je veći dio prostora izdat u zakup za potrebe Apoteke a time su poboljšani uslovi života i rada na području ove MZ a posebno za starije i bolesne osobe. U navedenim prostorijama kao i kancelariji MZ razvedeno je i puštano u funkciju grijanje koje je spojeno na kotlovcu ambulante. Najveći problem u radu organa MZ predstavljala je sudska blokada računa MZ a nastala usljed dugovanja prema asfaltogradnji Visoko. U izvještajnom periodu potpisan je Sporazum o izmirenju međusobnih potraživanja koji je za rezultat imao deblokadu računa i vraćanje rada organa u zakonite granice. Ostatak duga za realizaciju u ovoj godini je cca 25000 KM te bi sporazum bio ispoštovan a međusobna potraživanja izmirena.

#### **5.16. Novo Selo**

Ukupna površina doma je 130 m<sup>2</sup>, od čega je jedan dio izdat pod zakup BH Telekomu, ostatak prostora od 100 m<sup>2</sup> koristi mjesna zajednica. Težište aktivnosti u izvještajnom periodu je bilo na realizaciji kapitalnih projekata kako iz prethodnog perioda tako i projekata koji su planirani za realizaciju tokom 2014 godine. U sklopu toga realizovani su projekti asfaltiranja puteva Grić-osnovna škola i puta Dubalj. U cilju poboljšanja sigurnosti učesnika u saobraćaju, a posebno školske djece, realizovan je i projekat izgradnje trotoara pored LC Tešanj-Tešanjka. Tokom poplave i ovo područje je zahvaćeno brojnim klizištima MZ je pokrivena sa 2.500 m javne rasvjete i sa dva mjerna mjesta. Područje mjesne zajednice se snabdijeva pitkom vodom sa vodovoda Rosa ali nije bilo problema u snabdijevanju. U izvještajnom periodu organi mjesne zajednice više puta upozoreni na obavezu redovnog dostavljanja zapisnika.

#### **5.17. Orašje Planje**

Glavne aktivnosti su vođene oko projekta vodosnabdijevanja uz znatno učešće građana u sistemu finansiranja (isti ulazi u završnu fazu) te sanacija putnih komunikacija i sl. Pored ovog projekta organi MZ su uložili napore u realizaciju projekta rasvjete, otklanjanju posljedica poplave te saniranju korita planjske rijeke. Posebno opterećenje u radu MZ Orašje Planje predstavlja dug iz ranijeg perioda.

Težište aktivnosti u izvještajnom periodu bile su usmjerene na izgradnju ulične rasvjete. Površina društvenog doma je 200 m<sup>2</sup>, od čega se za potrebe MZ koristi sprat, a prostor u prizemlju je izdat pod zakup. Sredstva od zakupa olakšavaju vođenje projekata na području MZ i rad organa MZ. Objekat je relativno u dobrom stanju ali postoji potreba da se izvrši sanacijom dijela krova. Težišna aktivnost organa mjesne zajednice će biti usmjerena na realizaciju projekta vodosnabdijevanja - završna faza.

#### **5.18. Piljužići**

Površina društvenog doma je 200 m<sup>2</sup>, na spratu je smještena ambulanta i kancelarija mjesne zajednice. Najveći problem u radu mjesne zajednice predstavljali su narušeni međuljudski odnosi koji nisu bili izazvani postupcima organa mjesne zajednice ali su u značajnoj mjeri otežali vođenje projekata. Težište angažovanja je bilo usmjereno na asfaltiranje puta Polje-Pousorje (pored Ilme) te je isti završen. Pored ovog bitno je uraditi da je nesebičnim zalaganjem pojedinih članova savjeta i saradnjom sa Službom CZ Općine Tešanj prikupljena odobrenja i realizovan projekat uređenja vodotoka potoka i rječica na skoro čitavom području MZ a u cilju zaštite od poplava tako da je povećana sigurnost ljudstva i imovine. I ove godine organi MZ su uspješno realizovali organizaciju tradicionalnog malonogometnog turnira. Potrebno je naglasiti da je dio rasvjetnih stubova prema Miljanovcima dotrajao te je skrenuta pažnja organima na obavezu zamjene dotrajalih stubova kako bi se spriječilo eventualno ugrožavanje učesnika u saobraćaju.

#### **5.19. Raduša**

Na prostoru MZ egzistira vodovod „Bukovac“ kojim upravlja Udruženje građana a voda se koristi kao tehnička. Dostavljen hodogram za zadovoljavanje Zakonitih odredbi u upravljanju vodovodom te dostavljene instrukcije za otklanjanje nedostataka. Tehnički sekretar je u radnom odnosu, osiguran i većina sredstava koja Općina doznači za rad organa MZ troši se na plaćanje ovih obaveza a što nastavak ovakvog angažovanja sekretara dovodi u pitanje. Na području MZ upravlja sa dva objekta i to Društveni dom koji je nedovršen i objekat zvan „Sušara“ koji je u lošem stanju. Organi MZ vode aktivnosti koje za cilj imaju legalizaciju objekta Doma. Značajne aktivnosti na prikupljanju i distribuciji pomoći proveli su organi MZ a ista je najčešće dostavljana u općinski Štab CZ. Težište aktivnosti u izvještajnom periodu bilo je usmjereno na planiranje aktivnosti kako bi cijelo područje ove mjesne zajednice bilo obuhvaćeno sistemom odvodnje otpadnih voda, u sklopu toga potpisan je Ugovor za realizaciju dijela projekta i to krak Mehuljići a isti će biti realizovan po sticanju povoljnih vremenskih uslova, kao i iznalasku modela da domaćinstva koja su već priključena na kanalizaciju izmire svoje zakonske obaveze. U narednom periodu težište aktivnosti će biti usmjerene na rješavanje pitanja vodosnabdijevanja cijelog područja mjesne zajednice.

#### **5.20. Rosulje**

Mjesna zajednica ima Društveni dom u kojem je na spratu smještena kancelarija MZ-e a prizemlje objekta je izdato pod zakup. Objekat Društvenog doma je u dobrom stanju. Mjesna zajednica je pokrivena sa 500 m javne rasvjete i sa jednim mjernim mjestom, pokrenuta je aktivnost na izgradnji rasvjete za kompletno područje MZ. Put Agići-Bajina glava-stara cesta je kandidovan za realizaciju višim nivoima vlasti ali do pisanja ove informacije nije bilo naznaka o realizaciji istog. Tokom elementarne nepogode Organi MZ organizovali prikupljanje i distribuciju humanitarne pomoći, područje MZ je zahvatilo nekoliko klizišta koja nisu ugrozila porodične kuće. Poplava je posebne probleme napravila građanima koji žive pored rijeke Radušica ali je stalnim intervencijama spriječena pojava šteta velikih razmjera. Održano je više sastanaka koji su za cilj imali uređenje dijela korita rijeke Radušice, problem predstavljaju vlasnici parcela koje graniče sa obalom jer nekolicina njih ne dozvoljava prilaz koritu angažovanoj mehanizaciji. U narednom periodu uložiti napore za rješavanje ovog problema. Bitno je napomenuti da je u toku izgradnja poslovne zone na području ove MZ.

### **5.21. Šije**

Ova mjesna sredina ima izgrađen Društveni dom koji je površine 280 m<sup>2</sup>. Na spratu doma smještena je kancelarija MZ, sala za sastanke i telefonska centrala, a prizemlje društvenog doma se koristi za potrebe rada kulturno-umjetničkog društva, omladinske aktivnosti i rad nevladinih organizacija. Tokom godine područje MZ zahvatila elementarna nepogoda velikih razmjera koja je za posljedicu imala mesovnu evakuaciju ljudstva i dobara a nekoliko kuća je u potpunosti uništeno i nisu uslovne za življenje. Tokom ovih događaja aktivnosti organa MZ su bile na zavidnom nivou i u stalnom 24 satnom radu. Sve daljnje aktivnosti organa MZ su usmjerena na pomoć stanovništvu u uklanjanju posljedica poplave, stvaranju povoljnijih uslova za život i rad te informisanje stanovništva i pružanje pomoći u apliciranju na razne projekte. Pored poplave u ravničarskom području, u višim dijelovima mjesne zajednice pojavila su se brojna klizišta koja su uzrokovala štetu na porodičnim kućama, pomoćnim objektima, objektima infrastrukture i poljoprivrednim imanjima. Bitno je napomenuti da su tri porodične kuće proglašene neuslovnim i nesigurnim za daljnje življenje. Organi MZ realizovali su manifestaciju dani MZ. Organi MZ i u ovoj godini planiraju nastavak započetih aktivnosti naravno u skladu sa budžetskim mogućnostima. Krajem godine, poštujući procedure koje su propisane poslovnikom o radu savjeta MZ, organi MZ pokrenuli proceduru izbora novog sekretara mjesne zajednice te taj postupak završili.

### **5.22. Tešanj**

Težišne aktivnosti koje su vođene se odnose na realizaciju infrastrukturnih projekata od kojih izdvajamo vodovod Hrvatinići-visinska zona, asfaltiranje ulice Mehinagića prolaz, nastavak asfaltiranja LC Hrvatinići-Tugovići na Sejmen-polje-Sirano. Pored ovih aktivnosti obavljani su redovni poslovi te vršena stalna saradnja u cilju finansijske konsolidacije MZ. Početkom godine, poštujući procedure koje su propisane poslovnikom o radu savjeta MZ, organi MZ pokrenuli proceduru izbora novog sekretara mjesne zajednice te taj postupak završili, krajem godine ponovili postupak te sekretara primili u radni odnos. Tokom poplave kao i većina i ova MZ je u saradnji sa Odredom izviđača "Crni vrh" organizovala prikupljanje pomoći poplavljenim područjima. Pokrenuti su razgovori sa JKP Rad Tešanj oko rješavanja pitanja dugovanja za komunalne usluge iz prošlosti. MZ pored redovnih sredstava koje uplaćuje Općina, raspoložuje sredstvima koja im uplaćuje BH Telekom na ime izdavanja parking prostora a što iznosi cca 500 KM mjesečno što uveliko olakšava funkcionisanje mjesne zajednice.

### **5.23. Tešanjka**

MZ upravlja sa dva objekta, jedan u naseljenom mjestu Lepenica a drugi na Tešanjci i u dobrom stanju. U izvještajnom periodu izvršeno je plaćanje ostatka duga prema ZFR Hajrić Trepče u iznosu od 7.500 KM. Organi MZ su u saradnji sa Općinom Tešanj realizovali i projekat zagrijavanja objekata, te plaćanja dijela potraživanja od strane izvođača. Izradom sistema zagrijavanja MZ je dobila još dva atraktivna prostora za davanje pod zakup i ostvarivanje dodatnih prihoda. MZ je redovno održavala sastanke i o svim aktivnostima izvještavali Općinu Tešanj, posebno bih istakao nesebičnu zalaganje organa MZ tokom elementarne nepogode poplave, a koja je na ovim prostorima prouzrokovala niz klizišta koja su oštetila lokalne ceste te povremeno dovodila do obustava u odvijanju saobraćaja. Ovdje bi istakli klizište u Potočkoj mahali koje je još uvijek aktivno. Težište aktivnosti pored ranije navedenog je asfaltiranje dijela puta Bedaci-Numera, održavanje rasvjete, koordinacija sa udruženjima itd. Ništa manje bitno početak rada dječijeg vrtića koji daje dodatan doprinos Tešanjci kao urbanoj sredini i upotpunjuje potrebe građana. Takođe je u saradnji sa Općinom i udruženjima građana realizovano niz manifestacija od kojih bi posebno istakao obilježavanje 8.oktobra Dana mjesne zajednice i sjećanje na žrtve aviobombardovanja.

### **5.24. Trepče**

Ukupna površina doma je 550 m<sup>2</sup>, od čega je izdato u zakupu 300 m<sup>2</sup>, a preostali prostor koristi MZ za svoje potrebe. Glavna aktivnost organa MZ se svodila na realizaciju dijela kapitalnog projekta

„Vodovod Medakovo Trepče“, ovaj projekat će biti prioritet i u narednom periodu. Mjesna zajednica pored ove aktivnosti realizovala i aktivnost na izgradnji prostorija MZ i stvaranje povoljnijih uslova za rad kancelarije. MZ ima značajne prihode od zakupa ali je upozorena na potrebu obnavljanja ili aneksiranja potpisanih ugovora. Tokom elementarne nepogode Organi MZ organizovali prikupljanje i distribuciju humanitarne pomoći, područje MZ je zahvatilo nekoliko klizišta, nekoliko porodica je protektivno privremeno iseljeno iz porodičnih objekata a po obilasku geologa iste su dobile instrukcije šta trebaju poduzeti za spašavanje objekta. Potrebno je napomenuti nesebično zalaganje u cilju održavanja prohodnosti putne komunikacije prema Maglaju, a u čemu je pored organa MZ učešće uzeo i veliki broj građana.

#### **5.25. Vukovo**

U društvenom domu smještena je kancelarija mjesne zajednice, potrebna sanacija prizemlja doma (pravo polaže Vemal). MZ je izuzetno dobro pokrivena svom infrastrukturom. U izvještajnom periodu izvršena je realizacija projekta kanalizacije dijela Marin Hana čime je skoro kompletno područje MZ riješeno sa odvodnjom otpadnih voda. Organi MZ su realizovali manifestaciju Dani MZ Vukovo, aktivnosti oko obilježavanja ramazanskog bajrama, aktivnosti na održavanju infrastrukture isl. Djelimično je izvršeno saniranje objekta Doma MZ a bitno je napomenuti da je u svim aktivnostima podršku pružila i općinska uprava. Tokom godine MZ je u potpunosti otplatila dug koji je imala prema licu koje je angažovano na obavljanju administrativno tehničkih poslova.

### **6. Kratak rezime**

---

- Analizom rada organa mjesnih zajednica može se primjetiti značajan napredak kako u poštivanju Zakonitosti prilikom donošenja propisa i akata, tako i prilikom sklapanja ugovora i sporazuma te poštivanja procedura prilikom finansijskih transakcija,
- Angažovanje sekretara MZ nije profesionalno što ne umanjuje njihovu odgovornost u izvršavanju preuzetih obaveza ,
- Realizacija plana edukacije uveliko doprinosi poboljšanju ličnih sposobnosti sekretara i predsjednika savjeta a može koristiti i u svrhu razmjene iskustava,
- Jedinstveni knjigovodstveni servis olakšava praćenje novčanih transakcija i lakše uočavanje pojave eventualnih nepravilnosti,
- Rad organa MZ je transparentan i javan, građani se o aktivnostima koje vode organi MZ informišu putem oglasnih tabli i u direktnim razgovorima građana i članova organa MZ,
- Organi MZ značajno su inicirali i koordinirali aktivnosti na tekućem održavanju putnih kanala, propusta, košenju trave u putnom pojasu, uočavanju i prijavljivanju lokacija deponija smeća i poduzimanju preventivnih radnji u vezi sa istim, u narednom periodu očekujemo još značajnije angažovanje na ovom polju,
- Kreiranje i početak korištenja službenih e-mail adresa mjesnih zajednica uticalo je na poboljšanje komunikacije kako između mjesnih zajednica tako i na relaciji MZ-Općina,
- Nastaviti sa praksom prisustvovanja referenta za rad sa mjesnim zajednicama na pojedinim sjednicama organa MZ jer se povećava efikasnost u komunikaciji i dobija jasnija slika o problemima sa kojima se susreću organi MZ i prijedlozima za njihovo rješavanje.

**OBRADIVAČ:**  
Služba društvene djelatnosti

**PREDLAGAČ:**  
Općinski načelnik



Broj: 03-05-5-592/15.

Datum: 16.03.2015. godine

PREGLED ODRŽANIH SASTANAKA DONESENIH ODLUKA, ZAKLJUČAKA I POTPISANIH  
UGOVORA

Mjesna zajednica	Sastanci Savjeta	Sastanci Skupštine	Prisustvo koordinatora	Izvršena provjera		
				odluka	zaključaka	Ugovora/sporazuma
Bobare-Drinčići-Blaževci	5	2	2	21	5	3
Bukva	10	3	2	39	3	4
Dobropolje-Mekiš	10	1	1	20	34	12
Dž. Planje	6	1	1	28	8	2
Jablanica	9	1	2	108	5	6
Jelah	9	3	3	50	41	9
Jevadžije	7	1	1	18	3	2
Kalošević	8	3	1	18	11	8
Karadaglje	6	2	0	20	37	4
Kraševo	8	1	1	18	8	2
Ljetinić	6	1	1	23	5	4
Medakovo	5	3	2	23	28	8
Miljanovci-Lončari	8	1	1	9	11	3
Mrkotić	6	1	0	14	4	3
Novi Miljanovci	5	1	2	1	9	3
Novo Selo	7	2	2	12	6	3
Orašje Planje	7	1	1	14	4	2
Piljužići	4	1	3	25	5	3
Raduša	8	2	1	5	42	6
Rosulje	8	1	1	17	23	5
Šije	16	2	1	97	55	13
Tešanj	12	2	2	21	7	2

Tešanjka	10	2	1	149	0	11
Trepče	6	3	2	33	12	6
Vukovo	5	1	1	10	5	2
UKUPNO	191	42	35	801	363	124

PREGLED FINANSIJSKOG POSLOVANJA MJESNIH ZAJEDNICA U 2014 GODINI

Mjesna zajednica	PRIHODI U 2014 GODINI					Rashodi	Stanje 31.12.14
	Stanje 31.12.13	Redovna dotacija	Po rješenjima	Zakup/aktivnosti	Ukupni prihodi		
Bobare-Drinčići Blaževci	552,19	6.000,00	10.325,00	350,72	17.227,91	16.678,86	549,05
Bukva	13.550,32	6.000,00	4.359,95	4.006,15	27.916,42	22.660,31	5.256,11
Dobropolje-Mekiš	5.240,39	6.000,00	9.960,00	36.972,94	58.173,33	51.598,95	6.574,38
Dž.Planje	201,81	6.000,00	7.862,50	-----	14.064,31	12.717,39	1.346,92
Jablanica	1.101,85	5.950,00	18.585,00	2.480,05	28.116,90	26.164,47	1.952,43
Jelah	6.517,15	9.000,00	25.300,00	58.372,89	99.190,04	83.248,55	15.941,49
Jevadžije	2.625,61	6.000,00	1.700,00	324,50	10.650,11	8.199,75	2.450,36
Kalošević	6.079,56	6.000,00	16.873,48	9.945,31	38.898,35	32.062,11	6.836,24
Karadaglije	964,47	6.000,00	6.800,00	200,03	13.964,50	11.239,41	2.725,09
Kraševo	2.916,17	6.000,00	3.040,00	550,00	12.506,17	9.151,53	3.354,64
Ljetinić	944,71	6.000,00	5.600,00	8.088,05	20.632,76	18.807,31	1.825,45
Medakovo	15.007,47	6.000,00	2.250,05	15.717,24	38.974,76	34.648,92	4.325,84
Miljanovci-Lončari	160,88	6.000,00	7.450,00	1.000,79	14.611,67	13.109,29	1.502,38
Mrkotić	6,14	6.000,00	11.100,00	5.489,65	22.595,79	22.547,19	48,60
Novi Miljanovci	1.426,11	6.000,00	11.012,50	2.125,50	20.564,11	19.109,76	1.454,35
Novo Selo	1.230,60	6.000,00	6.200,00	4.091,08	17.521,68	16.282,06	1.239,62
Orašje Planje	2.839,42	6.000,00	7.400,00	48.579,26	64.818,68	61.881,19	2.937,49
Piljužići	1.112,04	6.000,00	9.650,00	976,60	17.738,64	14.807,43	2.931,21
Raduša	1.460,87	9.000,00	10.720,00	760,86	21.941,73	21.057,16	884,57
Rosulje	6.539,83	6.000,00	4.400,00	3.681,81	20.621,64	11.713,33	8.908,31
Šije	22.461,57	9.000,00	20.800,00	109.985,28	162.246,85	152.504,45	9.742,40
Tešanj	3.030,44	12.000,00	2.300,00	9.392,39	26.722,83	13.165,87	13.556,96
Tešanjka	2.931,48	7.200,00	18.044,30	21.052,81	69.428,59	47.718,62	1.509,97

Trepče	135.436,60	6.000,00	8.500,00	21.662,93	171.599,01	150.518,42	21.080,59
Vukovo	137,26	6.000,00	6.300,00	1.051,72	13.489,01	12.218,73	1.270,28
<b>UKUPNO</b>	<b>234.468</b>	<b>166.150</b>	<b>242.031</b>	<b>383.965</b>	<b>1.066.416</b>	<b>946.211</b>	<b>120.205</b>

Napomena: U prihodima i rashodima pojedinih MZ prikazana su i sredstva vodovoda kako kod MZ koje vrše naplatu vode Šije (109.179 KM), Kalošević (8.311 KM), tako i MZ koje prikupljaju sredstva od građana u cilju gradnje vodovoda i to: Dobropolje Mekiš (28.900 KM), Orašje Planje (39.400 KM) Medakovo (3950 KM) i Trepče (18.300 KM), prikupljena sredstva se troše u skladu sa namjenom tj. za održavanje i gradnju vodovoda.